

animal de summis venit. Ita Christus manens in altitudine Divinitatis sue, quasi quodam volatu sublimi cadaver mortalitatis nostrae confexit in infimis, & sese de Caelestibus ad ima submisit, fieri quippe propter nos homo dignatus est, & dum mortuum animal petiit, mortem apud nos, qui apud se erat immortalis, invenit.

IX. CRUX CHRISTI, CVM S. HELENAE EIVS INVENTRICE, 60. Stellis Constellationis suae figuram componens, eo loco statuitur, quo Gentiles Cygnum suum locaverunt. Etsi Poeta Diaboli instinctu (pro ut in Oratore ad Antonium Plurim, & in Dialogo de Veritate Christiana scriptum reliquit Iustinus Martyr) res Christi, hallucinantium more, in multis amulari studuerunt, Crucis tamen supplicium nullo prorsus modo in quopiam eorum, qui totius filii sunt dicti, sunt imitati: Non enim intellectum est ab eis, quae de hoc dicta sunt, omnia per symbola arcanè esse prolata; quod profecto (supplicium nimirum Crucis) prout Propheta prolatus est, potissima nota fortitudinis, & imperii eius est.

XV. CLAVI ET LANCEA CHRISTI ex 13. Stellis formato Asterismo Telum sive Sagittam, Gentilium commentum locum sibi cedere iubent. Telo ajunt Poeta carmine Promethei aquilam ab Hercule confixam. Nobis alia sunt ad manus arma, quibus Satan occubuit: Clavi nimirum, ferrumque Lancea Christi: hac digna stellis, aptaque hoc ipso Caeli loco, Signo nempe Crucis quasi contiguo celebrari. Sagitta in Divinis Literis pro doloribus ponuntur, qui ex rerum perperam actuum Conficienda cor simulant, & exulcerant: ita Psalm. 38. Sagitta tua infixae sunt mihi. Plurisque quoque in locis Sagittae verba divina sunt, quae penetrabili charitate corda nostra configunt. Non immerito in Sagitta locum Caelo nostro inferuntur Clavi, quibus Redemptor noster Cruci fuit affixus.

XVI. S. CATHARINA VIRGO & MARTYR 40. Stellarum Constellatione in locum venit Aquile, sive Vulturis volantis, & Antioxi, sive Ganymedis. S. Iohannes ille Evangelii Scriptor aliquos, quod Aquile referatur Hieroglyphico: ipsa suscepta incubationis materia sublimis, ait Eucherius, & ab ipso rerum principio repetita in causa fuit. Proinde cum volatu sublimi, in ipsam Dei Omnipotentis aulam elatus sit, & colorum aciem, visu prepolens, in admiranda Divinitatis faciem infixerit, doctrinam nullo antea mortali ingenio conceptam ab alto detulit, cuius initium: In Principio erat Verbum. Pierius lib. 19. fol. 142.

XVII. HYDRIA CHANANAEA 10. Stellis in Constellationem redacta eo loco cernitur, quem Gentiles Delphino assignant, & miraculose conversionis aquae, mandato Christi in vinum abeuntis, memoriam recollit; ideo hic appositae, ut Omnipotentiam & Bonitatem Divinam Redemptoris nostri refferret, matrimonii favore ab ipso editam tanto miraculo, quod iure occupat locum Delphini, fabulosarum Neptuni cum Amphitrite nuptiarum gratia Caelo innatantis.

XVIII. ROSA MYSTICA, sive FRONS ROSEA quatuor Stellis ad formandum suum Asterismum adhibet, & in ea parte Caeli sedet, in qua Equiculus, sive Equuleus ex Gentilium collocacone sedem suam nactus est, atque Symbolum Rosae Mysticae Dei Genitricis Virginis exiit.

XIX. S. GABRIEL ARCHANGELVS alias Pegasi 34. Stellis Asterismum suum absolvit, volanti, & nuncium Salutis Humanæ expediendi similis, qui Coelestis Legatus, perennem Divinae Gratiae fontem, ex intermerata Virgine, Annunciationis verbo, provocavit, sicut Pegasi (Poetarum fide) celeberrimas Heliconis aquas, ungula Musis aperuit.

ASTERISMI IN ECLIPTICA, SIVE SIGNA ZODIACI.

In **CORONA APOSTOLORVM** sive Signifero Christiano, huius Hemisphaerii Posterioris, ordine sequuntur sex Apostoli sive Signa: S. Mattheus: S. Simon: S. Iudas Thaddaeus: S. Mattheus, S. Petrus, & S. Andreas.

XXX. S. MATTHEVS EVANGELISTA, & APOSTOLVS 34. Stellarum congerie sui Asterismi figuram constituit, & Drexeliani Signiferi Signum, Frequentem nimirum Sacramenti Communionis usum exemplo suo confirmat, velut qui & proprio calamo (secundum illud, quod dicitur de Salomone, Initus est acensator sui, &c.) Publicanum se nominare non erubuit, & Martyrio coronari meruit. Sagittarii Gentilium sedem

obtinens in Capricorni domicilium migravit, cuius Signum est ♐.

XXXI. S. SIMON CHANANAEVS S. Simon, sive ZELOTES, APOSTOLVS, sive Constellationis Stellis 28. numerat, & suo exemplo fidem facit Drexeliano illi Effato, quod in Signifero eius Christiano Capricornum notat: Audito sedula Verbi Divini. Capricorni qui & Pan dicitur, munia subit, migratione sua ferè translatum in sedem Aquarii, cuius Character est ♊. Capricornus Pan etiam Ethnicis dicitur, qui eundem Capripedem, & hirci figuram fingeant, de quibus hircis Rabinus Kimbi in cap. 13. Esaias; Rabbi Salomo; & Galatin. lib. 4. contra Indeos inquit. Hirci sunt Demones, vocantur autem sic, quia in forma hircorum apparent his, qui credunt in eos. Euseb. Pamphil. lib. 5. cap. 1. Preparat. Evangel. ex autoritate Porphyrii & Plutarchi tradit, sub Tyberio Imperatore inter Insulas Echinadas auditum esse vocem de Paxide Insula ad Thramum nautam illuc praeternavigantem, & in Italiam pergentem, quae diceret: Thramne narra, Magnum Pana esse mortuum, quando iuxta paludem fueris: Quod cum ipse fecisset, magnum ibi velut lamentantium ejulationem audiam: Utpote quod, victo in Passione Domini omnino Satanâ, Pan Magnus, Daemon precipuus, victus diceretur.

XXXII. S. IVDAS THADAEVS S. Iudas, APOSTOLVS 44. Stellis collectis suum Asterismum perficiens exemplo suo proponit Moderationem affectuum, quam in Signifero suo Drexeliano huic Dodecatemorio aptavit, imitandam, & ex Epistola sua Catholica discendam. Habitationem suam mutavit discit suo in Pisces, quorum nota est ♓.

XXXIII. S. MATTHEVS APOSTOLVS 37. Stellis Asterismo suo congregat, & postremus in album Apostolorum conscriptus, commode sibi adsciscit Drexeliani Signiferi emblemam, quod Vitem sui estimationem proponens, humilitate necessariâ aperit januam ad poenitentiam seriam, à Mundo & Voluptatibus mortales avocantem, & ad Deum ducentem. Domicilii sui mutatione discit in Arietis habitationem antiquam, hanc notâ insignitum; ♈.

XXXII. S. PETRVS PRINCEPS APOSTOLORVM Constellationis suae figuram 31. Stellis circumfribit, & in Zodiaco Christiano Drexeliani Renunciationis Omnium symbolo notatur. Sic enim respondens Domino dixit Petrus: Ecce nos reliquimus omnia, & secuti sumus te, quid ergo erit nobis? Iesuque ad illum: Amen dico vobis, quod vos, qui sequi estis me, in regeneratione, cum sederit Filius Hominis in Sede Majestatis suae, sedebitis & vos super sedes duodecim, iudicantes duodecim tribus Israel, &c. Arietis locum possidens maximam partem in subsequenti Signi S. Andreae nimirum sive Tauri domicilium progressus est, quod hoc Signo dignoscitur. S. Vranometra à Primæ orbis Stellae Primæ huius Asterismi, quae inter omnes Stellae primum locum sibi vendicat, & quam Auriculæ seu Cornu Arietis Dextro, id est, Occidentali tribuunt, in hoc autem Caelo Stellato Christiano Cathedra S. Petri sortita est, reliquarum omnium metriam atque descriptionem ordiuntur. Ante Christum natum anno fere 431. Annorum Mundi 3497. circa initium hebdomadam Danielis Propheta in Equinoctio Autumnali, florentem Meriem Aethiensi Astronomo, Cycli decem novenalis conditor, Prima Stella S. Petri sive Arietis, ipsum Equinoctii Verni limitem occupabat, quae anno 1625. usque ad gradum 27. min. 58. sec. 45. ejusdem Dodecatemorii S. Petri, sive Arietis protusa est, singulisque annis 51. secund. versus Orientem (cum latitudines fere eadem mancant) progreditur. Hinc à Verni Equinoctii Puncto exordium capit Dodecatemorii S. Petri sive Arietis usque ad 30. graduum, quod subsequitur ejusdem quantitatis Dodecatemorii S. Andreae sive Tauri; S. Iacobi Majoris, sive Geminorum; S. Iohannis sive Canceri &c.

XXXIII. S. ANDREAS APOSTOLVS Constellationem suam 50. Stellarum congregatione perficit, & ex Mystici Drexeliani Zodiaci Signis Volantis Propensionem in bonum sibi adiungit, utpote cum cum & discipulum Iohannis Baptiste fuisse, auditoque illo, Ecce Agnus Dei, Christum ultro secutum esse, & fratrem Simonem ad Christum adduxisse Sacra Litera doceant. Tauri à Gentilibus Zodiaco impositi habitaculum occupans in sequentis

sequenti S. Iacobi Minoris sive Geminorum sedem progressus est, cuius sunt characteres ♊.

ASTERISMI EXTRA ECLIPTICAM IN PARTE AUSTRALI.
XXXIV. S. IOACHIMVS, & S. ANNA S. VIRGINIS MARIE PARENTES 33. Stellarum collectione Asterismum suum constituunt, atque in sede eâ commemorantur, quam in Caelo Stellato Ethnicis Cetus, sive Balena possidet, cuius monstri marini faucibus Andromeda absumenda afflictae regioni salutem parere debebat: cuius loco hic cernuntur beatissimi Coniuges, Ioachimvs & Anna, quorum viscera felicissimam illam Virginem ediderunt, per quam Univerfus Terrarum Orbis aeternae Salutis pretium accepit.

XXXVI. S. IOSEPHVS VIR MARIE VIRGINIS 71. Stellis in Asterismo redactis complet sedem Orionis nefandae Deum sobolis, spurci excrementi Jovis & sociorum, nullâ aliâ re, quam Venarionis studio, & vitandorum Viraginum canina purgine clari. Omni honore major S. Ioseph, Regiâ Davidis stirpe oriundus, Matris Virginis Virgo Maritus & comes, de quo S. Lucas cap. 2. Et ibunt Parentes eius (scilicet Iesu) per omnes annos in Hierusalem, &c. Et videntes admirati sunt, & dixit Mater eius: Fili, quid fecisti nobis? Ecce pater tuus, & ego dolentes quaebeamus te, &c. Et descendit cum eis, & erat subditus illis. Accedit huc Generationis Liber Matth. 1. deductus in generationem beatissimi Ioseph.

XXXV. TRANSITVS ISRAEL PER MARE RUBRVM 45. Stellarum Asterismo adumbratus, & in Eridani fluvii locum repositus, eâ scilicet parte, quâ Populus Israeliticus fisco pede transit, dominsque, & quid possit, & quae Redemptio, (Sanctis quidem Iacobo & Anna instrumendis mediis) secutura esset, incomparabili miraculo ostendit.

XXXVII. VELLVS GEDEONIS 13. Stellis notabile Sidus se conspicuum exhibet eâ in Caeli parte, quam Gentiles Lepore, symbolo timiditatis, insigniverunt. Magnificam autem, mysticamque simul, & militarem huius Velloris historiam habes 1. Ind. cap. 6. dignam sanè, quae Heroum nostri temporis Vellere Aureo celebraretur: Cui quidem nobilissimo Equitum Ordini, fabula Iasonis, & Argonautarum ansam, Philippus autem Bonus Burgundionum Dux, Caroli Audacis pater, Maximilianus I. Imperatoris, Archiducis Austriae Progener. 10. Januarii Anno M C D X X I X, quo die Brugis Flandrorum cum Isabel Portugalliae Regina nuptias celebravit, initium dedit: Finem eius Militia itatuens Defensionem Ecclesiae Catholicae, Praefectoque seu summo Ordinis Magistris, se defuncto, designans, successores Duces Burgundiae. Unde & Catholicissimi Hispaniarum Reges, ut Maximilianus Austriae descendentes, Duces Burgundiae, gloriosissimi huius Ordinis Caput, Defensoremque Ecclesiae praecipui extiterunt. Fuisse autem instituti huius finem primarium, Defensionem Ecclesiae testantur Versus Gallici, ab ipso Fundatore Ordinis Philippo huic rei accommodati, scilicet

Pour maintenir l'Eglise, que est de Dieu Maison,
P'ay mis sus le Noble Ordre, q'on nomme la Toison.
Quorum Versum hic est sensus:

Numinis ad tutandam eadem, quae Ecclesia Sancta est,
Militiam Aurati Velleris institui.

Solet autem Militia haec Latine appellari, Ordo Equitum Aurei Velleris, quibusdam Toisonis, Hispanice El Orden de la Toison de Oro, Gallice l'Ordre de la Toison, Italicè Il Ordine del Tosone di Spagna. Germanicè Der Ritter Orden der goldenen Schâppers / oder goldenen Lâmbkins von Burgundien / Belgicè Het gouden Vlies.

XXXVIII. COLUMBA NOACHI. Constellatione hac 11. Stellis composita, notabiles aliquot Stelle, nuda olim, sed à Recentioribus Columbae formâ insignitae sunt:

I. FIDES.	II. PAX.	III. CHARITAS.
IV. MODESTIA.	V. BENIGNITAS.	VI. CASTITAS.
VII. MANSUETUDO.	VIII. CONTINENTIA.	IX. PATIENTIA.
X. GARDIUM.	XI. BONITAS.	XII. LONGANIMITAS.

haec quia advolanti cum olivæ ramo ad vicinam Constellationem, quam Arce Noachi attribuitur, similis est, procul dubio retinenda fuit. S. Cyprianus ad Novatianum: In Columba, ait, venit Spiritus Sanctus. Simplex animal, & letum non felle amarum, non morsibus serum, non unguum laceratione violentum, cuius ingenium est, hospitium humana diligere, unius domus consortium velle, cum generant, simul filius educare, cum comitant, volatibus invicem coherere, communi conversatione vitam suam degere, oris osculo concordiam pacis agnoscere, circa omnia demum humanitatis omnem implere legem.

LIV. S. RAPHAEL ARCHANGELVS 19. Raphael. Stellarum Asterismo Meridionali Polo est praesidio, sicut S. Michael Septentrionali praesidet, ut ita aequali praeside uterque Mundi Polus muniatur, Sanctique Angeli etiam in hac Australi Plagi munus sibi conceditum exerceant. Locum autem S. Raphaeli cedunt, Toncan, seu Pica Brasilia, vel Indica, Hydrus Hollandus & Water-flangij & Nubecula Minor. Quemadmodum autem in Superiori Hemisphaerio, circa Polum Boreum, S. Michael Archangelus, Draconem vicinum e Caelo hoc Christiano deturbavit: Itâ nunc merito in Hemisphaerio Inferiore, circa Polum Austrinum S. Raphael Archangelus alter, qui Demone, cuius, ut sapius iam dictum, Hieroglyphicum Hydrus, in Aegypti deserto quondam reliquit, Hydrum noviter etiam Caelo illatum ex eodem repellit.

L. SERVVS DEI IOB Asterismi sui 12. Stellis, Job. Indus sive Hominem Indicum, & 23. aliis Pavonem representat, & incredibilis suae Patientiae exemplo cunctos Christianos ad tolerantiam invitat, virtutem, quâ omnes inimici admirandâ victoriâ profligari solent.

XLIX. AARON SUMMVS SACERDOS DOMINI Constellationis suae Stellis 13. Grum, seu Phoenicopterus, & 15. aliis Phenicem avem exprimit, Sanctosque Ecclesiae Pontifices, & Doctores adumbrat.

XLVIII. HYDRIA FARINAE SAREPHTAE 12. Stellis compressâ Piscem Notium loco suo expellit, & miraculi memoriam celebrat, quo Elias Propheta hospiti suae, Viduae Sarephtae Hydriam benedictione sua adeo abundanter reddidit, ut ei farina non defecit. Annunciat igitur haec de Caelo inexhaustam miserentis auxilii quae Deo in suos largitatem, & beneficentiam, quam in Mortales omni tempore exercet.

XLVII. DIADEMA SALOMONIS REGIS 13. Stellarum Imagine formatâ Coronam Australem sede sua eliminat, & in eius locum se recipit, perinde Australem hanc Plagam praesentia sua exornans, atque Spinea Christi Corona Septentrionali Hemisphaerio haud exiguum ornamentum conciliat; Duo Diademata elegantibus Piorum contemplationibus inter se collata, & digna, quae ad memoriam tam Veteris quam Novi Testamenti recolendam in hoc Theatro Stellato Christiano sedibus suis meritis honorantur.

VIA BEATORVM OMNIVM, in hoc Caelo Stellato Christiano, est Via Lactea innumerabili Stellarum multitudine repleta, & infinito Astrorum suorum agmine, infinitam Beatorum frequentiam adumbrans, Germanis Via S. Iacobi, sive ad S. Iacobum Compostell. nominari consuevit, ideo ipsi vulgari nomine S. Iacobi-stas dicta, quam, Tubi Optici beneficio, Neoterici nil aliud esse comperunt, quam Stellarum, & Stellarum infinitam congeriem, quae ita se conglomeratam exhibet.

Hac sunt, quae de Caelo Stellato Christiano Duobus Hemisphaeriis adumbrata, & descripta ex Schillero excerptimus, & in gratiam eorum huc congestimus, qui his Speculationibus piis & Religiosis delectantur, quibus Coronidis loco adiciamus Iohannis de S. Gemin. lib. 1. summam similit. cap. 31. Collationem 12. Signorum Zodiaci cum totidem fructibus Spiritus Sancti. Sunt autem ii, ut sequuntur: